

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Asteazkenean Joakin Gorrotxategi hizkuntzalariaren hitzaldi bat izango da Artxiboan antzinateko euskarari buruz

«NAVARRORUM. Euskararen gaineko dokumentu nafarren bi mila urteko ondarea» erakusketaren harira emango diren lau hitzaldietako lehenengoa da

Astelehena, 2017.eko urriak 16

Urriaren 18an, asteazkena, Joakin Gorrotxategi hizkuntzalariak «NAVARRORUM. Euskararen gaineko dokumentu nafarren bi mila urteko ondarea» erakusketaren harira antolatutako hitzaldien zikloari emango dio hasiera Nafarroako Errege Artxibo Orokorrean. Gorrotxategiren hitzaldia, «Antzinateko euskararen nondik norakoak», abenduaren erdialdera arte programatu diren eta zenbait ikertzaile ospetsuk emango dituzten lau hitzaldietako lehenengoa izango da. Urriaren 18an izango da, asteazkena, 19:00etan, Nafarroako Errege Artxibo Orokorrean; euskaraz izango da, baina gaztelaniaz ere entzun ahal izango da, aldibereko itzulpen-sistemari esker.

Gorrotxategi Hizkuntzalaritza Indoeuroparreko katedraduna da Euskal Herriko Unibertsitatean, eta aditua da erromanizazioaren aldiari Pirinioen inguruan zegoen hizkuntza-egoeraren ezagutzan. *Onomástica indígena en Aquitania* monografiaren gain, 100 artikulua baino gehiago ere argitaratu ditu, eta akta eta azterlan ugari editatu.

Gorrotxategi (Eibar, 1953) Filologia Klasikoan doktoratu zen 1982an, Salamancako Unibertsitatean, Koldo Mitxelena hizkuntzalari ospetsuak zuzendutako tesi bati esker. Toulousen eta Bonnen ere egin zituen ikasketak. Gaur egun, UPV/EHUko Ikasketa Klasikoen Institutuko zuzendaria da. Iberiar penintsulako eta erromatar inperioaren mendebaldeko hizkuntzak eta epigrafia prerromanikoak aztertzen ditu, bai indoeuroparrak, bai ez indoeuroparrak, eta, bereziki, euskararen aztarnak.